



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 68. stav 4. tačka i), člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39,14 i 59/22), u otvorenom postupku za izvođenje radova na rekonstrukciji vodovoda Stražanj, MZ Klopče – elektroinstalacije, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak javne nabavke za izvođenje radova na rekonstrukciji vodovoda Stražanj, MZ Klopče – elektroinstalacije, iz razloga što je jedina zaprimljena ponuda neprihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-20484/23 od 27.09.2023. godine. Obavještenje o nabavci broj: 1355-1-3-239-3-240/23 objavljeno je na Portalu javnih nabavki dana 12.10.2023. godine i u Službenom glasniku broj: 73/23 od 20.10.2023. godine.

Procijenjena vrijednost za predmetnu nabavku iznosila je 7.300,00 KM bez PDV-a.

Do krajnjeg roka za dostavu ponuda, Ugovorni organ je zaprimio jednu ponudu ponuđača „TOPLOTA“ d.o.o. Zenica.

Ponuđač „TOPLOTA“ d.o.o. Zenica, u svojoj ponudi, na strani 34. i 35. dostavio potvrde o uspješnoj realizaciji ugovora: potvrda „ITC“ d.o.o. Zenica, o uspješnoj realizaciji ugovora i potvrda JP „Vodokom“ d.o.o. Kakanj, broj: 12058-2/22 od 27.12.2022. godine, o uspješnoj realizaciji ugovora, kao obične kopije, što nije u skladu sa tačkom 3.3. tenderske dokumentacije. S obzirom da je tenderskom dokumentacijom traženo da potvrde o uspješnoj realizaciji ugovora budu original ili ovjerena kopija, ponuda ponuđača „TOPLOTA“ d.o.o.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Zenica odbacuje se u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponudacu, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-20484-2/23

Datum: 14.11.2023. godine

DOSTAVLJENO:

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a

GRADONAČELNIK:

Fuad Kasumović

